



H. aka Adrian Stecher (23) è student da las scienzas da medias e communicaziun a Friburg. Per PUNTS va el a la tschertga da novas bands nazionalas ed internaziunalas e rapporta da concerts, albums ed experientschas fatgas cun la musica. Per il Radio Rumantsch moderescha Adrian tranter auter mintga segunda sonda la parada da hits.

MUSICA

FRI-AIR

da H.

Il Fri- Air ha per dus dis puspè invità ils students ed alla glieud che è interessada a musica nunencunaschenta sin in areal pitschen, carismatic, familiar e gie forse era in pau esoteric. La tribuna è numnadamain ina veglia rulotta da circus ornada cun lampions electronics, situada inmez il iert dal Centre Fries (Villa Babilonia anm. D. Redaktion.), innua che da tutta rauba antica fan parada. Avant quella culissa ha tanter auter sunà The Mondrians da Losanna, Young Lowflow da Luzerna e Mama Rosin da Genevra. En mincha cass rendi da las taidlar, pero ina autra band ha cun sia moda innovativa, creativa ed extrovertiva da far musica persvadì il pli fetg durant quels dus dis dal frar pitschen dalla Bad Bonn Kilbi, al Fri-Air.

Das Pferd è ina gruppa da Basilea che ha già avunda dalla musica „platta, normala, sainza character dalla svizra“ sco quai che Andreas Mattmann tradescha. Usche ha el e ses ami Felix Hohler entschiet a far ina sort electro-techno- punk rock- ballada- sound. Inspirads da bands sco The Prodigy ni Mani Matter han els creads in sound che lascha surstar. Equipads be cun ina batteria ed in keyboard n'han els mai laschà percorscher che els èn be an dus sin la tribuna. Sch'ins ha serrà ils egl han ins già l'impreschun ch'els èn ina band da 5 personas. Bliers mumaints per serrar ils egl n'ha Das Pferd pero mai dà al publicum- l'unica giada forse cura ch'els han entschiet ad interpretar nov ina ballada da Rihanna. Il rest è stà energia pura ch'è spezialmain vegnida creada cun tuns abstrus e fauss. Virtuos da musica n'èn ils dus musicists da Basilea betg stads e per l'emprima giada hai jau stuì dir che prezis quella faussadad, quella ignoranza da far musica correcta è il rezept per far musica innovativa. Quasi ina fuorma da Dadaismus musicala che ha chattà ses punct culminont cun la preschentaziun d'in nov instrumaint: La tibia d'uder. Sco per snareggiar la gronda tradiziun dalla svizra ha il batterist entschiet a sunar quel instrumaint prest usche bain sco in dretg uniformà tibist dalla Svizra Centrala ed ha per l'ultima già per quella saira tschiffà ils auditurs e t'ìls transferì ainten in mund surreal, fascinont e bel.